

經籍典第一百八十卷

春秋部彙考十四

東山經籍考 春秋

春秋古經十二篇 周禮小宗伯注古文春秋經公卽位爲公卽立疏云春秋古經是邈古文經所藏之書文帝除挾書律此本然後行於世 史記吳世家余讀春秋古文服虔注左氏云古文

篆書一簡八字

漢班固志云古經十二篇

李燾古經序曰昔司馬遷言春秋文成數萬

張晏曰春秋才萬八千字遷誤也今細數之更闕一千四百二十八字字數最易見者尙爾諸誤何況聖人筆削之旨乎余鄉所謂心以爲是者衆未必以爲是也亦惟纂例考校從其有義理者耳茲第刻春秋純經庶學之相與盡心焉仍用漢志舊名題曰春秋古經十二公各爲一篇

馬端臨曰春秋古經雖漢藝文志有之然夫子所修之春秋其本文世所不見而自漢以來所編古經則俱自三傳中取出經文名之曰正經耳然三傳所載經文多有異同則學者何所折衷三子者以當時口耳所傳授者各自爲傳又以其意之欲增益者攙入之後世諸儒復據其見於三

子之書者互有所左右而發明之而以爲得聖人筆削之意於千載之上吾未之能信也 又

曰易有彖象本與卦爻爲二而王弼合之詩書有序本與經文爲二而毛萇孔安國合之春秋有三傳亦本與經文爲二而治三傳者合之先儒務欲存古於是取其已合者復析之命之曰古經然彖象之與卦爻序之與經毛孔王三公雖以之混爲一書尙未嘗以己意增損於其間苟復析之卽古人之舊矣獨春秋一書三傳各以其說與經文參錯而所載之經文又各爭異蓋事同而字異者及邾儀父盟于蔑于昧之類是也事字俱異者尹氏君氏之類是也元未嘗書其事而以意增入者孔丘生孔丘卒之類是也然則自三傳中所取出之經文既有爭異又有增益遽指以爲夫子所修之春秋可乎然擇其若可信者而言之則左氏爲優何也蓋公羊穀梁直以其所作傳文攙入正經不曾別出而左氏則經自經而傳自傳又杜元凱經傳集解敘文以爲分經之年相附則是左氏作傳之時經文本自爲一書至元凱始以左氏傳附之經文各年之後是左氏傳中之經文可以言古經矣然獲麟而後引經以至仲尼卒則分明增入杜注亦自以爲春秋本終於獲麟弟子欲記聖師之卒故採魯史記以續夫子之經而終於此然則既續之於獲麟之後寧

保其不增益之於獲麟之前如公穀所書孔子生之類乎是亦未可盡信也

春秋經十一卷 漢志云經十一卷公羊穀梁二家 王應麟考證云詩正義漢初爲傳訓者皆

與經別行三傳之文不與經連故石經書公羊傳皆無經文

左傳三十卷 漢志左氏傳三十卷左丘明魯太史 劉歆移博士書曰左丘明好惡與聖人同

親見夫子而公穀在七十子後傳聞之與親見其詳略不同 杜元凱曰左丘明受經於仲尼

以爲經者不刊之書也傳直言其歸趣而已 考證曰漢初出張蒼之家文帝時賈誼爲訓詁

授趙人貫公太史公十二諸侯年表序云孔子西觀周室論史記舊聞興於魯而次春秋左丘明

懼弟子人人異端各安其意失其真故因孔子史記具論其語成左氏春秋平帝時始立學官

公羊傳十一卷 漢志公羊傳十一卷公羊子齊人師古曰名高 考證戴宏序云子夏傳與公

羊高高傳與子平平傳與子地地傳與子敢敢傳與子壽至漢景帝時壽乃共弟子齊人胡毋子

都著於竹帛儒林傳胡毋生爲景帝博士與董仲舒同業齊之言春秋者宗事之公孫弘亦頗受

焉武帝因尊公羊家

穀梁傳十一卷 漢志穀梁傳十一卷穀梁子魯人師古曰名喜

晁氏曰應劭風俗通稱穀梁

名赤子夏弟子靡信則以爲秦孝公同時人阮孝緒則以爲名俶字元始皆未詳也至漢宣帝好之遂盛行於世

鄒氏傳十一卷 漢志鄒氏傳十一卷鄒氏無師夾氏未有書

隋志漢初有公羊穀梁鄒氏夾

氏四家竝行王莽之亂鄒氏無師夾氏亡

七錄云建武中鄒夾氏皆絕王吉能爲鄒氏春秋

夾氏傳十一卷 漢志夾氏傳十一卷有錄無書師古曰夾音頰

左氏微二篇 漢志左氏微二篇師古曰微謂釋其微指

鐸氏微三篇 漢志鐸氏微三篇楚太傅鐸椒也

考證太史公曰鐸椒爲楚威王傳爲王不能

盡觀春秋采取成敗卒四十章爲鐸氏微 劉向別錄云左丘明授曾申申授吳起起授其子期

期授楚人鐸椒鐸椒作抄撮八卷授虞卿

張氏微十卷 見漢志 按張氏疑卽張蒼然蒼不應居虞氏前俟攷

虞氏微傳二篇 漢志虞氏微傳二篇趙相虞卿 劉向別錄虞卿作抄撮九卷授荀卿荀卿授

張蒼

公羊外傳五十篇 見漢志

穀梁外傳二十篇 見漢志

公羊章句三十三篇 見漢志

穀梁章句三十三篇 見漢志

公羊雜記八十三篇 見漢志

公羊顏氏記十一篇 見漢志

考證顏安樂事睦孟六藝論云治公羊者胡毋生董仲舒仲舒弟子嬴公公弟子睦孟孟弟子嚴彭祖及顏安樂彭祖爲嚴氏學安樂爲顏氏學皆立博士後漢

張霸減定嚴氏春秋爲二十萬言

公羊董仲舒治獄十六篇 見漢志

考證隋志董仲舒決事十卷唐志春秋決微十卷 七

錄云春秋斷獄五卷

應劭曰仲舒居家朝廷每有政議遣廷尉張湯問其得失於是作春秋

決獄二百三十二事動以經對

論衡仲舒表春秋之義稽合於律無乖異者 太平御覽

古今圖書集成
載仲舒決獄二事引春秋許止進藥夫人歸於齊

通典載仲舒斷獄引春秋之義父爲子隱

春秋議奏三十九篇

漢志云石渠論

考證劉更生傳初立穀梁春秋徵更生受穀梁講論五

經於石渠後漢陳元傳孝宣爲石渠論而穀梁氏興

春秋國語二十一篇

漢志云左丘明著

考證司馬遷傳贊左丘明爲傳又纂異同爲國語又

太史公曰左丘失明厥有國語

史通曰左丘明既爲春秋內傳又稽逸文纂別說分周魯齊

晉鄭楚吳越八國事起周穆王終魯悼公爲外傳國語六經之流三傳之亞也陸淳謂與左傳文
體不倫定非一人所爲 石林葉氏曰按姓氏譜有左丘氏豈一家之言乎唐啖趙之徒頗知

之然未有以傳其說也

新國語五十四篇

漢志劉向分國語

世本十五篇

漢志云古史官記黃帝來訖春秋時諸侯大夫

考證周官瞽矇世莫繫小史定

世繫辨昭穆司馬遷傳贊世本錄黃帝以來至春秋時帝王公侯卿大夫祖世所出司馬遷采世

本劉向曰世本古史官明於古事者所記錄黃帝以來帝王諸侯及卿大夫系諡名號凡十五篇

隋志世本王侯大夫譜二卷又世本二卷劉向撰又四卷宋衷撰又云漢初得世本敘黃帝以來祖世所出春秋正義云今之世本與司馬遷言不同世本多誤不足依憑顏之推曰世本左丘明所書而有燕王喜漢高祖非本文也

士燮春秋注十一卷 隋志吳衛將軍

賈逵左傳章句二十卷 隋志春秋左氏長經二十卷漢侍中賈逵章句

賈逵左傳解詁三十卷 隋志春秋左氏解詁三十卷賈逵撰

服虔左傳解詁三十一卷 隋志春秋左氏解詁三十一卷漢九江太守服虔注

王肅左傳注三十卷 隋志春秋左氏傳三十卷王肅注

董遇左傳章句三十卷 隋志春秋左氏傳三十卷董遇章句

孫毓左傳義注十八卷 隋志春秋左氏義注十八卷孫毓

王朗左傳注十二卷 隋志春秋左氏傳十二卷魏司徒王朗撰

杜預左傳集解三十卷 隋志春秋左氏經傳集解三十卷杜預撰 晁氏曰晉杜預元凱集劉

子駿賈景伯父子許惠卿穎子嚴之注分經之年與傳之年相附故題曰經傳集解其發明甚多古今稱之然其弊則棄經信傳如成公十三年麻隧之戰傳載秦敗績而經不書以爲晉直秦曲則韓役書戰時公在師復不須告克獲有功亦無所諱於左傳之例皆不合不曰傳之謬而猥稱經文闕漏其尤甚者至如此

服杜左傳注十卷

隋志春秋杜氏服氏注春秋左傳十卷殘缺

嵇康左傳音三卷

隋志春秋左氏傳音三卷魏中散大夫嵇康撰

服杜左傳音三卷

隋志梁有服虔杜預音三卷亡

高貴鄉公左傳音三卷

隋志梁有魏高貴鄉公春秋左氏傳音三卷亡

曹耽左傳音卷

隋志梁有曹耽音亡

荀訥左傳音四卷

隋志梁有尙書左人郎荀訥等音四卷亡

李軌左傳音三卷

隋志春秋左氏傳音三卷李軌撰

徐邈左傳音三卷

隋志春秋左氏音三卷徐邈撰

賈逵釋訓一卷 隋志春秋釋訓一卷賈逵撰

賈逵左傳朱墨列一卷 隋志春秋左氏經傳朱墨列一卷賈逵撰

穎容春秋釋列十卷 隋志漢公車徵士穎容撰

鄭眾左傳條例九卷 隋志梁有春秋左氏傳條例九卷漢大司農鄭眾撰

服虔左氏釋癘十卷 隋志春秋左氏膏肓釋癘十卷服虔撰

服虔春秋漢議駁二卷 隋志梁有春秋漢議駁二卷服虔撰亡

鄭元春秋駁議二卷 隋志駁何氏漢議二卷鄭元撰

服虔春秋成長說九卷 隋志春秋成長說九卷服虔撰

王玠左傳達義一卷 隋志梁有春秋左氏達義一卷漢司徒掾王玠撰

服虔春秋塞難三卷 隋志春秋塞難三卷服虔撰

孔融春秋雜議難五卷 隋志梁有春秋雜議難五卷漢少府孔融撰

王朗左傳釋駁一卷 隋志春秋左傳釋駁一卷王朗撰亡

古今圖書集成

糜信春秋說要十卷 隋志春秋說要十卷魏太守糜信撰

杜預春秋釋例十五卷 見隋志 晁氏曰晉杜預注凡四十部集左傳諸例及地名譜第歷數

皆顯其同異從而釋之發明尤多昔人稱爲左氏忠臣而預自以爲有傳癖觀此尤信 陳氏

曰唐劉賁爲之序 崇文總目凡三十五例

杜乾光春秋釋例引序一卷 隋志梁有春秋釋例引序一卷齊正員郎杜乾光撰亡

杜預春秋左傳評二卷 見隋志

劉寔春秋條例十一卷 隋志春秋條例十一卷晉太尉劉寔撰

劉寔公羊達義三卷 隋志梁有公羊達義三卷劉寔撰亡

方範春秋經例十二卷 見隋志

殷興春秋釋滯十卷 隋志有春秋釋滯十卷晉尙書殷興撰亡

范堅春秋釋難三卷 隋志梁有春秋釋難三卷晉護軍范堅撰亡

春秋左氏傳條例二十五卷 見隋志

春秋義例十卷 見隋志

春秋左傳例苑十九卷 見隋志

吳略春秋經傳說例疑隱一卷 隋志梁有今亡

鄭元左氏分野一卷 隋志梁有今亡

鄭元春秋十二公名一卷 隋志梁有今亡

王述之春秋左氏經傳通解四卷 見隋志

孫毓春秋左氏傳賈服異同略五卷 見隋志

千寶春秋左氏函傳義十五卷 見隋志

何賀真左氏區別三十卷 隋志春秋左氏區別三十卷宋尚書功論郎何賀真撰

春秋文苑六卷 見隋志

春秋叢說十二卷 見隋志

春秋義林一卷 見隋志

春秋大夫辭三卷 見隋志

春秋嘉語六卷 見隋志

春秋左氏諸大夫世譜十三卷 見隋志

沈宏春秋五辯二卷 隋志梁五經博士沈宏撰

春秋辯證六卷 見隋志

王述之春秋旨通十卷 見隋志

崔靈恩春秋經傳解六卷 見隋志

崔靈恩春秋申先儒傳論十卷 見隋志

崔靈恩春秋左氏傳立義十卷 見隋志

劉寔等集解春秋序一卷 見隋志

干寶春秋序論二卷 見隋志

賀道養春秋序一卷 見隋志

崔靈恩春秋序一卷 見隋志

沈文阿春秋左氏義略二十五卷 隋志陳國子博士沈文阿撰

王元規續義略十卷 隋志王元規續沈文阿春秋左氏傳義略十卷

張沖春秋義略三十卷 隋志陳右將軍張沖撰

春秋左氏義略八卷 見隋志

春秋五十凡義疏二卷 見隋志

劉炫春秋左氏述義四十卷 隋志東京太學博士劉炫撰

春秋序義疏一卷 見隋志

梁簡文帝春秋發題一卷 隋志梁有今亡

嚴彭祖春秋左氏圖十卷 隋志梁有春秋左氏圖十卷漢太子太傅嚴彭祖撰亡

古今春秋地圖一卷 隋志梁有今亡

嚴彭祖春秋公羊傳十二卷 隋志梁有今亡

古今圖書集成

何休春秋公羊解詁十一卷

隋志漢諫議大夫何休注

陳氏曰公羊解詁十二卷漢司空掾

任城何休邵公撰休爲太傅陳蕃屬蕃敗坐禁錮作解詁覃思不窺門十七年又作公羊墨守左氏膏肓穀梁廢疾黨禁解拜議郎終諫議大夫其書多引識緯其所謂黜周王魯變周文從殷質之類公羊皆無明文蓋爲其學者相承有此說也三科九旨詳具疏中

王愷期春秋公羊傳十三卷

隋志晉散騎常侍王愷期注

高龍春秋公羊傳十二卷

隋志梁有晉河南太守高龍注

孔衍春秋公羊傳十四卷

隋志梁有孔衍集解

李軌春秋公羊音一卷

見隋志

汪淳春秋公羊音一卷

隋志梁有晉徵士汪淳撰一卷

董仲舒春秋繁露十七卷

隋志漢膠西相董仲舒撰

晁氏曰史稱仲舒說春秋事得失聞舉

玉杯繁露清明竹林之屬數十篇十餘萬言皆傳於後世今溢而爲八十二篇又通名繁露皆未

詳隋唐卷目與今同但多訛舛

崇文總目其書八十二篇義或宏博非出近世然其間篇第

亡舛無以是正又卽用玉杯題篇後人取而附著云

陳氏曰按隋及國史志卷皆十七崇文

總目凡八十二篇館閣書目止十卷萍鄉所刻亦財三十七篇今本乃樓攻愧得潘景憲本卷篇皆與前志合然亦非當時本書也先儒疑辨詳矣其最可疑者本傳載所著書百餘篇清明竹林繁露玉杯之屬今總名曰繁露而玉杯竹林則皆其篇名此決非其本真況通典御覽所引皆今書所無者尤可疑也然古書存於世希矣姑以傳疑存之可也又有寫本作十八篇

董仲舒春秋決事十卷

見隋志

崇文總目丁氏平黃氏正初仲舒既老病致仕朝廷每有政

議武帝數遣廷尉張湯問其得失於是作春秋決疑二百三十二事動以經對至吳太史令吳汝南丁季江夏黃復平正得失今頗殘失止有七十八事 馬端臨曰此卽獻帝時應劭所上仲舒春秋斷獄以爲幾焚於董卓蕩覆王室之時者也

春秋決疑論一卷

見隋志

何休春秋左氏膏肓十卷

見隋志

崇文總目漢司空掾何休撰始撰賈逵事因記左氏所短

遂頗流布學者稱之後更刪補爲定今每事左方附鄭康成之學因引鄭說寄何書云書今殘逸

第七卷亡

陳氏曰何休著公羊墨守等三書鄭康成作鍼膏肓起廢疾發墨守以排之休見之曰康成入吾室操吾矛以伐我乎今其書多不存惟范甯穀梁集解載休之說而鄭君釋之當是所謂起廢疾者今此書並存二家之言意亦後人所錄

何休春秋公羊墨守十四卷 見隋志

何休春秋穀梁廢疾三卷 隋志春秋穀梁廢疾三卷何休撰又三卷何休撰鄭元釋張靖箋

何休春秋漢議十三卷 見隋志

駁何氏漢議敘一卷 見隋志 按隋志前有駁何氏漢議二卷鄭元撰至此又重出復載駁何

氏漢議敘一卷未注姓名疑亦鄭元撰

刁氏春秋公羊例序五卷 見隋志

何休春秋公羊謚例一卷 見隋志

何休春秋公羊條例一卷 隋志梁有一卷亡

荀徐春秋公羊問答九卷 隋志梁有春秋公羊問答九卷荀爽問魏安平太守徐欽答亡